

衛輝府志卷之十五

人物志下

游寓

戰國荆軻其先乃齊人徙於衛衛人謂之慶卿而之

燕燕人謂之荆卿史記注荆慶聲相近故隨在國而與其號也卿者時人尊重之稱

荆卿好讀書擊劍以術說衛元君元君不用游於邯

鄲與魯句踐博爭道魯句踐怒而叱之荆軻嘿而逃

去之燕愛燕之狗屠及善擊筑者高漸離日飲酒於

燕市酒酣以往高漸離擊筑荆軻和而歌於市中相

衛輝府志

卷十五

一

三百十三

樂也其之燕會燕太子丹質秦王怨而亡歸燕求為

報秦王者荆軻許行至易水之上既祖取道高漸離

擊筑荆轉和而歌為變徵之聲歌曰風蕭蕭兮易水

寒壯士一去兮不復還復為羽聲忼慨就車而去至

秦事不就被害魯句踐聞之曰嗟乎惜哉其不講於

刺劍之術也

唐趙元字貞固河間人祖挾號通儒在隋與同郡劉

焯俱召至京師補黎陽長徒居於汲元少負志畧好

論辨士爭慕嚮之武后朝調宜祿尉到職非公事不



言彈琴詩藥好隱者之操自傷位不配才卒年四十  
九其友魏元忠孟詵宋之問崔璩等共謔昭夷先生  
晉嵇康字叔夜譙國人少負高才寬簡有大量土木  
形骸不事修飾人以爲龍章鳳姿喜談老莊尤好神  
仙服習之術博學善屬文彈琴詠詩超然於塵埃之  
表婚魏宗室拜中散大夫寓居山陽同游者未嘗見  
其喜愠之色與阮籍山濤向秀籍兄子咸王戎劉伶  
相友善爲竹林之遊號稱七賢又嘗從孫登游於蘇  
門康居貧以鍛自給潁川鍾會爲司馬昭所昵聞康  
衛輝府志 卷十五 二 三百五十一  
名而造之康方箕踞而鍛會至不爲禮深銜之昭嘗  
欲辟康康避之河東及山濤爲選曹郎舉康自代康  
答書拒絕後坐呂安事會譖於昭遂見害臨刑自若  
援琴而鼓旣而嘆曰袁孝尼嘗從吾學廣陵散吾每  
固之不與於今絕矣所著諸文論六七萬言皆爲世  
所玩詠云

阮籍字嗣宗尉氏人容貌瓌傑志氣宏放仕魏累官  
散騎常侍籍本有經濟志屬天下多故士少有全者  
由是不與世事遂酣飲爲常初武帝求婚於籍籍醉

六十日不得言而止鍾會數以時事問之因其不可  
而致之罪亦以酣醉獲免籍雖不拘禮教然發言玄  
遠口不減否人物竟以壽終嘗著詠懷詩八十餘篇  
并達莊論等集皆行於世

阮咸字仲容籍兄之子與籍齊名任達不拘與籍爲  
竹林之游歷仕散騎侍郎時荀勗善解音聲世祖命  
依典制正雅樂自謂無不諧韻而咸謂之不調勗忌  
之乃因事出阮爲始平太守後一田父耕於野得周  
王尺勗試以較已所治鍾鼓金石絲竹皆覺短一黍  
衛輝府志 卷十五 三

於是服阮神識云

山濤字巨源河內人少有器量介然不群性好莊老  
每隱身自晦與嵇康善後遇阮籍爲竹林之遊晉武  
帝時爲吏部尚書甄拔人物各爲題目時稱山公啓  
事進尚書僕射加侍中卒贈司徒謚曰康

向秀字子期河內人清悟有遠識少爲山濤所知嘗  
注莊子內外十篇發明竒趣讀者莫不超然心悟與  
嵇康親善康沒作思舊賦仕至黃門侍郎散騎常侍  
王戎字浚仲瑯琊臨沂人幼而穎悟神采秀徹視日

不眩少阮籍二十歲而籍與之交累遷侍中司徒戎  
爲人短小任率不修威儀善發談端當其要會朝賢  
嘗上已禊洛或問王濟曰昨游有何言談濟曰張華  
善說史漢裴頠論前言往行袞袞可聽王戎談子方  
季札之間超然玄著其爲識鑒者所賞如此

劉伶字伯倫沛國人放情肆志常以細宇宙齊萬物  
爲心與阮籍嵇康相遇欣然神解携手入林常乘鹿  
車携一壺酒使人荷鍾而隨之謂曰死便埋我其遺  
形骸如此嘗著酒德頌一篇爲時所稱仕晉爲建威  
衛輝府志 卷十五 四 三

參軍

宋邵古字天叟世爲燕人出自召公祖令進歷事太  
祖以軍校尉歸老范陽已而徙中山遷衡漳父德新  
讀書爲儒者早卒十一歲而孤事母孝力貧且養長  
益好學必求義理之盡天聖中嘗登蘇門山顧謂其  
子雍曰若聞孫登之爲人乎吾所尚也遂隱居於山  
下年七十九而終性簡厚喜文字所著有正聲正字  
正音等三十篇子雍次子睦舉進士

邵雍字堯夫幼從父古徙居共城卜隱蘇門山下結

廬百泉之上時居母憂布裘蔬食躬爨以養父堅志  
苦學共令李挺之叩門來謁勞苦之與語物理性命  
之學雍再拜願受業於是先示以陸淳春秋後授河  
圖洛書伏羲八卦六十四卦圖象雍益覃思刻厲冬  
不爐夏不扇夜不就席者數年安貧樂道自云未嘗  
攢眉名所居爲安樂窩少自雄其才慷慨有大志旣  
學力慕高遠謂先王之事爲必可致及其學益久德  
益邵玩心高明觀於天地之運化陰陽之消長以達  
乎萬物之變然後頽然其順浩然其歸一日嘆曰昔

人尚友千古而吾未嘗及四方遽可已乎於是走吳  
適楚過齊魯客梁晉久之而歸曰道其在是矣蓋始  
有定居之意晚遷於洛舉遺逸試將作主簿後又以  
爲潁州團練推官皆辭疾不赴先生於書無所不讀  
著皇極經世書六十卷晚尤喜爲詩平易而造於理  
有擊壤集二十卷自爲之序並傳於世熙寧十年卒  
贈秘書省著作郎賜謚曰康節咸淳元年詔從祀孔  
子廟庭

元憲其先范陽人金時自河陰徙居於昨唐宰相

盧懷慎十三世孫也曾孫克柔以器度受知元裕宗  
仕至叅知政事克治漢陽知府克順海南尹玄孫早  
以文章知名爲翰林待制國史院編修

耶律楚材字晉卿遼人父履尚書左丞通術數尤邃  
太玄私謂所親曰此子吾家千里駒也他日必成偉  
器且當爲異國用因取左氏語楚雖有材晉實用之  
以爲名字生三歲而孤身長八尺美髯宏聲博極羣  
書旁通天文地理曆律筭術及釋老醫卜之說金末  
爲左右司員外郎太祖克燕召見處之左右正色立  
衛輝府志 卷十五 六 三百五十七

朝不爲少屈欲以身殉天下每陳國家利病生民休  
戚辭氣懇切孜孜不已嘗曰興一利不若除一害生  
一事不若減一事人以爲名言平生不治生產家財  
未嘗問其出入篤志苦學不舍晝夜尤嗜邵學嘗避  
地即蘇門居之於衛水之涯植梅數株建琴亭月榭  
吟咏其中有梅溪諸詩官至中書令後贈太師追封  
廣寧王謚文正子鑄中書左丞相徙山後

許衡字仲平號魯齋河內人幼有異質稍長嗜學如  
渴金末兵亂避居徂徠山遷泰安之東館鎮扁其

爲曰魯人稱爲魯齋先生後適細如友竇默尋居蘇門  
友姚樞及與竇默相講習旣得程朱性理諸書益大  
有得慨然以道爲己任家貧處之泰然一時從遊者  
甚衆時偕其徒遊於百泉之上吟咏爲樂世祖時屢  
召屢辭繼拜集賢太學士兼國子祭酒乃請徵其弟  
子姚燧姚燧白棟耶律有尚等十二人爲伴讀咸驛  
致之分處各齋衛教之有法一時所選國子多所成  
就尋復請還帝以問翰林學士王磐磐對曰衛教人  
有法諸生行可從政此國之大體宜勿聽其去又命

衛輝府志

卷十五

七

三百四十七

諸老臣議其去留姚樞謂衛出處有關世運宜成其  
志竇默復爲衛懇請之乃聽還卒年七十三衛於學  
無所不通經傳子史禮樂名物星緯兵刑食貨水利  
要皆洞見精微所著有孝經注大學直說中庸語意  
魯齋文集及門人記載語錄行於世大德元年贈祭  
祿大夫大司徒謚文正至大三年加贈正學垂憲佐  
運功臣太傅開府儀同三司魏國公詔從祀孔子廟  
庭

竇默字子聲廣平肥鄉人幼讀書毅然有立志避亂

德安得伊洛性理之書以歸與姚樞許衡講學蘇門  
倡明斯道中統初仕於朝時王文統以言利進爲平  
章政事默與許衡姚樞入侍言治亂休戚必以義爲  
本文統患之且默在世祖前屢斥其學術不正乃奏  
以默爲太子太傅外示尊禮內欲擯使疏遠默以屢  
攻文統不中欲因東宮以避禍與樞拜命將入謝以  
衡議還制文統遂寢其命改授默爲翰林侍讀學士  
累官至昭文館太學士卒贈太師追封魏國公謚文  
正

衡輝府志

卷十五

八

劉祁字京叔渾源人少舉進士失意卽閉戶讀書務

窮遠大涵蓄鍛淬一意古文後復講明六經推於踐

履振落英華收去真實粹然一出於正出秋澗集寓居衛

甲辰粘合中書招置幕下年四十七卒有神川遜士

集二十二卷處言四十三篇歸潛志三卷

白棟字彥隆號素菴太原人始徒行至河內從許衡

學衡爲國子祭酒奏召舊弟子以棟爲國子助教侍

裕廟東宮棟爲講鄭伯克段於鄆已講而出裕廟語

人曰是非空言意固有在也以國史院編修從仕郎



仍助教擢監察御史發阿合馬贓貪諸不法出僉陝西漢中道提刑按察司事尋改僉燕南河北道與其副程思廉築堤捍河後寓居於衛復除河南道勸農副使卒葬蘇門

王磐字文炳號鹿菴廣平永年人篤學勵行年方冠從麻九疇學於郟城客居貧甚日作糜一器畫爲朝暮食至大四年擢進士第授歸德府錄事判官不赴避地樂蘇門之勝來居者數年弟子受業者甚衆時稱名儒世祖聘爲翰林直學士改山東宣撫司入爲衛輝府志卷十五九  
太常少卿仕至學士承旨卒贈太傅追封洛國公謚文忠有文集行於世

仙釋附

唐羅公遠善隱形秘異之術明皇秋宴取杖向空擲之爲大橋與遊月宮明皇求其術終不授明皇怒命高力士壓殺之瘞於後苑後中使自蜀還道逢公遠手携一履謂中使曰上之戲亦何虐也他日成都候駕中使回以其事奏上疑其怪發塚視之止有一履玄宗後幸蜀見公遠於途召之忽不見上思之移其

柩履葬於衛今輝縣南有墓存

宋劉海瞻政和間新鄉縣白鶴觀知事崔重微忽見道士謁於堂下揖之坐不語但微哂重微起取金相贈未入房隨聞弄筆聲多而視之已失道士所在但見壁間有題字以仙書證之乃秦人劉海瞻過六字也

昶公輝縣人自幼穎悟精勤戒律住持白茅寺一日策杖閑遊謂其徒曰寺東山塢間脩篁古柳異於他境乃吾棲真之所已而坐逝竟如其言

衛輝府志

卷十五

十一

三

金蕭抱珍衛州人道貌純古性至孝嘗嗣道士李天貺業以符水應治隨用輒驗皇統間徵至闕下累被寵賚有祈雪伏龍退星禳火平癭開痘之異因勅所居爲太乙萬壽宮天德初賜金帛僕御遣使護歸後羽化有詔褒諭曰道成一悟錄闡三元密毘治化潛衛家邦雖漢張道陵無以過也

元李居壽汲縣人號純然子性敏慧師事中和真人中統間奉命設黃籙醮追薦江淮戰歿兵士遇旱禱雨輒應嘗詔赴闕寵賚優渥賜號太乙演化真人王

學士輝爲著行狀

李全祐廣平人爲衛輝萬壽宮道師世祖時以道行  
清素見知賜號承化純一真人傳度太乙法錄事裕  
皇嘗訪以世務對曰老氏以清淨爲致治之本古有  
行之者漢文是也上悅屢被賜賚臨終沐浴衣冠而  
化

丘處機字通密樓霞人自號長春子嘗寓居輝縣蘇  
門山與劉處玄譚處端二真人研精玄學世祖召見  
每言爲治在敬天勤民長生在清心寡欲世祖然其  
言命左右書之時國兵蹂踐中原河南北尤甚處機  
使其徒持牒招之得更生者無慮數萬人中州人至  
今頌之今遺蹟有三仙洞并集仙資福宮俱存

譚處端字通正號長真子世爲寧海人性倜儻不事  
邊幅以孝義見稱博涉經史記誦敏給同輩罕及尤  
工諸草隸嘗居新鄉府君廟之庵尋復寓衛州北關  
邸中新鄉之廟官溫六忽夜見庵中燈火熒然竊視  
之則師面火獨坐溫拜於前師微荅不言而出溫待  
久不至迹之而不知所所在急呼道衆白其事衆令朱

四者詣衛質之主人曰先生自至衛未嘗出也朱四  
告其衆乃知其陽神也自後師念聖號甚謹衛州淇  
門鎮石孔目問師持念之故師云衆亦宜念今歲當  
有大水之災衆莫之省是年河決如其言至元六年  
贈長真雲水蘊德真人